

Thu 23<sup>rd</sup> Dec 1898

大清光緒廿四年

本館新開除禮拜外每日出報一  
紙外埠均可函致本館取  
閱如外埠閱報加寄費不  
也除日本英法德俄美各國  
惜工本從廉採辦釘書裁  
刊印各器以待與各官紳  
體活字及各式花邊等延  
西人排印工藝精巧所有  
印字大小機器均用精工刊

第五千一百廿七號



# 申報

(號七第牌門口虱巴舊在設開館本)

印工級絕倫並延有文士書  
寫各種文字現由上海購到  
各種書籍出售其書目另行  
刊佈所有各項原甚相宜再  
本館所登來札原登否亦須  
世道人心者附登其有謬  
礙於人而後始錄其有礙  
成文以及支離費解者概不  
登錄更須寫實里而後敢  
將原稿收回也本館謹白

戊戌十二月十一日

每張售錢五文每月一元二角每季三元五角每年十二元

春東出沽 ○啟者本館現已印便來歲新正賀春信札計分多種悉皆駢四儷六翻陳出新書法  
既屬端楷紙張尤為出色 諸君有欲購用者祈早玉臨選沽為盼此佈 本館謹啟  
已亥年月份牌出售 ○啟者光緒二十五年已亥之月份牌現經印就定於即日出沽至本年所  
印之月份牌係按照時憲書并參以諸家之應細心較對無訛而且字畫玲瓏紙張潔潤繪事精細甚屬  
可觀 諸君賜顧祈早 玉臨選沽為盼 本館謹啟

### 冬至紀

困心衡慮齋稿

容有生於朔方之墟長於幽都之地久厭苦寒之慘慣遭凜冽之威聞重海之外開有一地名曰南郊其地  
廣闊其土膏腴春不溫夏不暑秋不肅冬不寒可以衣單布之衣可以解重裘之飾可以卸傲獸之炭可以  
釋緩玉之鞍客聞而慕之戎戎之秋乃率其羣而遊於明夷之都自秋徂冬二越朔望屈指數計蓋冬至矣  
而單給之服不釋於身棉襖之衣不加於體疑而問於南郊主人曰吾聞序有冬夏所以其四時也運有寒  
暑所以宣二氣也今觀南郊鑿冰之日長而圍爐之日短沃雪之人眾而送炭之俗稀殆古人所謂四時俱  
是夏一雨便成秋者耶何以無歌上壽之俗薄海皆同垂簾飲博之風與古無異赤豆之糜粥仍開闢於街  
衢百味之昆屯亦往來於塵肆既無寒暑之分而猶有冬夏之別者何耶南郊主人乃透迤而起逡巡而對  
曰子以斯地之無寒暑因遂疑此地之不知冬夏耶子殆知冬夏之分在於寒暑而未知冬夏之異異於陰  
陽也請與子舍寒暑之迹而陳陰陽之理吾聞夏至一陰生是陽消而陰伏也冬至一陽生是否極而泰來  
也屠狗以為醜所以應天風之卦也薦黍以為儀所以占地雷之象也夏至盛極而衰其象為近小人而遠  
君子小人道長君子道消是以古人比之為醜避之於露臺蓋惡其陰始凝也至若冬至陰極而陽生內  
君子而外小人小人道消君子道長所以去革故之運所以來鼎新之機其在國家則有黜陟幽明之慶進  
賢退不肖之漸其在臣下則有獻可替否之謀補過盡忠之職其在士庶則有仰望霄漢之心天衢初發之  
軛是以古人愛之敬之戴一陽之巾以順其氣添一線之晷以順其時薦黍糕以獻時食之宜供饗履以取  
履長之義其他如儀亞歲且考禮志於宋書禮如正旦編四民之月令其載在古書詳諸典籍者尤班班可  
考漢儒潛夫論之墓詳其言曰治國之日舒以長故其民閒暇而力有餘亂國之日促以短故其民困務而  
力不足所謂治國之日舒以長者非謂義和而令緩行也又非增分度而益漏刻也乃君明察而百官治下  
循正而得其所則民安而力有餘故視日長也所謂亂國之日促以短者亦非謂義和而令疾驅也又非  
能減分度而損漏刻也乃君不明則百官亂下民苦而惟日不足故視日短也然則日長之可貴有如是乎  
所以古人於四正而特重冬至者其扶陽抑陰之意乎客聞而大悅乃知冬夏之別不別於寒暑而別於陰  
陽遂相與焚百合之香揭帳金之盒敲法製之冰煮溪泉之茗啖角黍之糕嘗柑果之味是日適雨相賞於  
茅屋聊慰富雪之興焉顧而樂甚微醉揮筆遂成冬至紀一編非曰能文亦聊以誌事云爾

諭旨恭錄 ○十月廿四日奉 上諭劉坤一奏附貢潛謀不軌獲查訊供請旨辦理一摺江西廣  
豐縣附貢生楊恭震平素慣用刁筆武斷橫行竟敢投書教堂潛謀不軌幸該教士深明大義立將原函呈  
出經劉坤一等於本年四月間飭拿到案訊明悖逆情節該貢生身列士林甘心悖逆實屬喪心病狂罪大  
惡極楊恭震著即行正法以昭炯戒而靖人心各國來華傳教意在勸人為善此次該處教士劉在鐸於楊  
恭震密致信函首先舉發尤屬實心為善忠正可嘉劉在鐸著賞給三品頂戴並給予二品封典以示獎勵  
餘著照所議辦理欽此○同日奉 上諭俞廉三奏緝拿糾眾奪犯楊署盜匪請將疎防文武各員分別懲  
處一摺湖南安鄉縣盜匪潘永極等糾眾劫奪犯王受生殺斃團丁兵役多名並縱火燒民房延及縣署  
安鄉縣知縣胡鑑堃會同營訊將潘永極等拿獲訊明分別懲辦向非緝捕不力惟衙署被燬疎脫獄囚該  
有獄管獄各官均難辭咎著安鄉縣知縣胡鑑堃安鄉縣典史周綏屏均著先行交部議處補用副將趙榮  
輝於胡鑑堃知會防範之初並不悉力堵禦事後又復鋪張功績希圖掩飾節實屬庸懦無能難期振作著先  
行革職以肅戎行仍著俞廉三督飭各營縣勒緝逃犯逸犯務獲究辦毋任漏網餘著照所議辦理該部知  
道欽此

歐西電報 ○本坡實得力太晤士西報接初九日英京來電云列國現議除及下那芝黨一事恐已無成是緣英比瑞士三國不肯允從列邦所請彼此通融會捕之事故也

英電譯登 ○本坡實得力太晤士西報接初九日英京來電云倫敦某使福謹現經辭職所因何故則尚未見明文也  
基列電音 ○本坡實得力太晤士西報接初九日英京來電云列國公使基列總督希臘王子育兒現已抵基接篆當其履新之際英俄意法四國均派戰艦為之護送蓋恐土人等或有不服故特各派戰艦以助其威也

埃電譯登 ○本坡實得力太晤士西報接初九日英京來電云法將馬贊及其所部經於去月廿八日由花梳打退出前往蘇末河駐紮法兵既退則此事有不難了結矣  
奉迎佛骨 ○網略來信云暹王不日即擬派員至耶塞堪奈惟溺前往加刺吉打奉迎佛骨是緣印度國家欲以佛骨贈送暹王故特派員前往恭迎回國查此佛骨係某西人於去年間在印度北境土籌把地方所得者云

英國君權 ○倫敦西報載稱英女主域多利亞自即位以來開疆拓土富國強兵超古邁今厥功甚偉然而君權則有限也要惟英例如此不得不照辦耳茲特畧舉數端以供眾覽宮中服役之人其辛勞若千早由議員議定勒令按月均由庫款發給女主概無加增辛求與飭其徂征各處之權此用人之大概也國家公款未經上下議院會議即屬違章女主無權自撥用之權此用款之大概也遠方貢物除女主之至親外或屬國貢獻或友邦贈送或薄物或珍品皆須經過外部大臣然後呈入宮府而女主無權自收受之權此交涉之大概也重犯輕犯皆由刑官科律刑官定讞之後女主可向刑官議減赦若在刑官未結案之前而女主無權輕議重之權此刑人之大概也大臣未吏供職外省女主可以調其回籍至省應放其人合歸吏部酌酌女主無隨前放之權此命官之大概也然則英國所以名為君民共主之邦也歟

華使獎童 ○西報載稱中國駐英欽差大臣羅豐祿日前隨帶銀牌六面往親島威士威地方之男女兩義塾其所帶之銀牌以三面分賞男童以三面分賞女童其分賞之章程再為分別錄左一在男塾之中查係本屆秀列冠軍者給予銀牌一面又係通塾之最純粹者給予銀牌一面又係專精於算學者給予銀牌一面此獎賞男童之大概也一在女塾之中查係本屆秀列冠軍者給予銀牌一面又係最善於烹調者給予銀牌一面又係最善於女紅者給予銀牌一面此獎賞女童之大概也至於邀賞之男女童權忻鼓舞與兩塾之總監督格外招呼均可不言而喻且該監督留羅星使午餐席上珍饈星使備嘗風味獨不啻茗席既散星使坐談片刻然後與辭歸寓而各西人於星使去後議云華使詣塾獎賞各童固先施之雅也監督留飯聯瓊玖之歡也東主西賓情文交至華英友誼從此益敦惟華使未嘗囑茗想華使之意殆因該茗非來自中國者乎然而未可知也

中美會訊命案供詞續補 ○前錄都城船主鎗斃該華人買辦鄭麗生一案廿七日仍在羊城美領事署會同審訊該船主杜文供稱日前替代沙文舟師管駕都城火船當在船上遇事之前我所僱之侍者曾到我房內取銀我云前日已交過十元不肯再與該侍者悻悻而出聲稱若不交銀則不供給我食少頃我離去此房該侍者竟欲飛足踢我此時念極執其辮髮要他叩頭服罪始縱之便去未幾該侍者復回另有多人在傍意欲將我拋落海面我着令買辦將侍者拿獲鎖禁買辦不應命既而該侍者落一杉板船逃走我即指以洋鎗令其復回彼遂不顧而去至於都城火船代華官運兵一事實非我之所欲因大班滑士經與梧州府商允是以不得不從及各兵落船後我令買辦盡繳所携洋鎗伊僅繳到七十枝據云經已繳清我自己親往始再繳到一百二十枝是日開船後我曾飲酒數次惟此日夜並無醉意我曾令倫度路收師代告帶水人知悉謂今日倘有違抗船主等事必將該帶水先試我鎗其後又因欲取一椅致與買辦爭執據買辦云此椅是伊所買我即趨前與之辨論我此時並無持有洋鎗祇有一排卜烟管携在手中我指問買辦爾如動手定必放鎗斃爾買辦即撲近我身大呼打殺正當忙亂之頃突聞鎗響一聲不知從何而至繼聞滑士說我已被鎗擊着滑士隨即下去而買辦仍立我前我見買辦黑暗中持有一物當即向前奪取始知係六响鎗旋彼此相持約一刻鐘買辦將鎗連放二次我則擊批其煙當時又有兩次響聲由艙口而出似是長鎗之聲最後又聞六响鎗一聲買辦即隨之而倒斯時我在船面四顧前後左右並無一人我即奔至吊橋恐又有人放鎗擊擊未幾我回房內行經各兵之前有兵數人欲以竹棍毆我當即用力推仆其一始得縱步而去迨入房後尋覓我之六響鎗鎗已失所在滑士帶來之鎗亦不知何時失去後到餐房見倫度師正在與滑士包裏鎗傷伊遂着我帮同料理未幾復至船面則買辦經已因傷殞命矣旋又回到我房見有向來置備之長鎗二枝仍放原處惟此鎗所配之碼已歸烏有與我之六響旋鎗及鎗碼俱不知落於何處事後我由梧州附搭江北火船前往香港欲將此事訴於美

國總領事威路文我在船上所有衣物均已被人搶去約值銀五千元另失去銀單一紙內署美國銀一萬元我曾函致滑士求取問所有工錢後僅收到銀三十元云云杜文供畢美總領事葛流問原告狀師普律端向欲再取証供否普律端謂此案尚須詳細查堂費應如何着落尤必預為聲明葛領事云堂費一節姑勿計及普律端謂我為主控狀師所有証人費用可無庸為我是問葛領事又言曰普律端我且對爾實說爾今日代理此案本領事可無異言惟異日中國內地之美領事署倘有別等案情必不許爾再到涉訟也普律端謂貴領事雖有此言但除去

爾今日代理此案本領事可無異言惟異日中國內地之美領事署倘有別等案情必不許爾再到涉訟也普律端謂貴領事雖有此言但除去

爾今日代理此案本領事可無異言惟異日中國內地之美領事署倘有別等案情必不許爾再到涉訟也普律端謂貴領事雖有此言但除去

爾今日代理此案本領事可無異言惟異日中國內地之美領事署倘有別等案情必不許爾再到涉訟也普律端謂貴領事雖有此言但除去

爾今日代理此案本領事可無異言惟異日中國內地之美領事署倘有別等案情必不許爾再到涉訟也普律端謂貴領事雖有此言但除去

爾今日代理此案本領事可無異言惟異日中國內地之美領事署倘有別等案情必不許爾再到涉訟也普律端謂貴領事雖有此言但除去

爾今日代理此案本領事可無異言惟異日中國內地之美領事署倘有別等案情必不許爾再到涉訟也普律端謂貴領事雖有此言但除去

爾今日代理此案本領事可無異言惟異日中國內地之美領事署倘有別等案情必不許爾再到涉訟也普律端謂貴領事雖有此言但除去

此公堂之外恐貴領事無此大權能使我不理認務或者我之行爲有礙狀師規矩則貴領事或可行其權耳昔狀師說畢復向陪審各員再爲申說請將此事代爲登記俾異日普告天下人知悉云云普狀師說至此仍將案押候下日續訊

力拒要求 ○上海報接南京來電云上日劉峴帥函覆法總領事所要求各事不允所請是以目下頗有决裂之勢聞總署大臣經電峴帥着其於法人所請之事曲爲聽從其奈劉峴帥以大地山河斷難割棄竊思於家國甘受抗命之罪亦不肯棄其尺寸故即通飭標防各營及沿江內地各要隘炮臺妥爲防備以免臨事倉皇又以省垣製造局軍械所雖有軍裝不敷應用特電飭江南機器製造總局將兵械迅速裝運來甯本月十六日由威靖兵船運到快槍二千八百枝格林炮八十四尊此外各項軍裝爲數甚巨江防得此當可固若金湯矣

東鄰責言 ○日本日報載錄東洋新欽使電回本國云在蘇州貿易之日本商人被中國人毆打一事現經該欽使向總署詰問請將地方官詳革并云須向中國政府追償賠補銀兩

京華西簡 ○京師西友來函云邇來中國政府辦理各事惟榮中堂與剛尚書主持爲多而榮中堂 聖眷尤優蓋以中堂辦事精明一切能持大體云來信又云董福祥所部甘軍肇事了結後西人之意擬請其即日移往甘肅駐紮聞總署尙未應允也

查核入款 ○京師友人來信云戶部欽奉 皇太后懿旨飭將常年入款逐細核計共有若干每屆年終彙奏一次刻經各司員籌算光緒廿三年各省關所徵洋稅一千五百餘萬兩各省地丁銀一千餘萬兩各省鹽課等銀一千二百餘萬兩合計每年國家入款約共數千萬兩茲已繕單呈請入奏矣

招考畫童 ○閩省船政繪事院自開設以來繪圖學生經歷任兼理船政大臣招考數次人數本自不少中有學習藝成奉派出洋者有已經畢業意欲別圖門逕不願在堂自行請退久假未銷者亦有秉姿驚鈍學之不成願退回家者以至目下院內學生尙屬寥寥舊年法國聘繪事洋師因與提調憲商議具稟軍帥再行招募聰穎學生入院學習亦期在廠面試要取其能通法國字母及西算已習加減乘除並畧識繪事諸法各童如有稍知一藝者均堪與考入選至取定若干額數一時尙難預定准予招考後更立章程也

議造鐵艦 ○閩省船塢所造輪船目下只有數艘中有調撥各海口防守亦有奉差開往別處舊年廠內所興工創造者復未告竣以致船隻缺乏不敷應用現 奉諭旨着廠內趕造守口鐵甲船經軍帥提調商議先造二等守口鐵船一艘仍由法國杜監督業爾估開船身橫直尺寸圖樣並需用若干銀兩一面繪圖送呈軍帥察核一面催各直省奉 旨撥款解來如能集成巨款即可與洋監督立訂約字所有機器着赴日購辦擇匠創造云

福州船署近况 ○上月十九日增軍憲擬親蒞船廠查看造船並會晤杜監督業爾旋因奉 旨兼署閩浙督篆兩省公務較爲浩繁一時恐難兼顧因此暫停蒞工俟部署諸事頗能就緒方能再定期日○杜監督新造吉鴻小輪船一艘已於八月初三日試洋其行船速率較原議繪圖時尤爲快捷現在該船已一律裝飾完竣不日當具奏報明惟管駕何人未經議定緣近時經費支絀無款可籌故調管之人尙未有奉憲諭也○元凱輪船因日前損壞重新修理改爲練船船中所用車副水手人等無多致起錨等事甚見費力茲經軍憲議即添配起錨機器以省人力業由杜監督業爾議估價值不日即行購辦矣○昨聞北洋一帶擬添設海軍另立一營強軍以資捍衛並議造大小戰艦三十四號除已有鋼甲鐵甲魚雷艇外應行添造一等守口甲船一艘二等守口甲兩艘魚雷艇十八艘以及炮械一切應物件約合需銀六百餘萬兩期限四年告竣現在事已議辦但尙未就緒當此海防吃緊滿望籌撥該款冀得及早興工也

龜咯水患 ○昨有友人由龜咯來叻者云該港自去年去月下水至今露雨盈旬現猶未已本月初三日海潮漲漲山洪因之暴發溪水陡增數尺該處閩人所植甘蔗番薯冬瓜等物浸壞甚多而近溪一帶草屋被水冲刷者約共八九間幸在日間居民易於逃避故不至釀成人命若在深夜恐有不堪設想之虞矣

碼頭沖決續聞 ○前報然申碼頭被風浪沖決一角等情茲悉事後已經丹戎巴葛船澳派人前往欲將所決之處設法取起另修詎其橋則經取起惟所繫之浮水鼓則幾經費力依然莫使之浮現由工部局再請禮釐廈吃立付鐵廠往爲設法欲將該水鼓中浮刻尙不悉果能取回否也

車夫聯黨 ○工部局員於初九日會同集議時然總辦曾對眾云現據車務差役控告手車夫七名於案查諸車夫結連黨與在然申路頭一帶候客厥黨之外不許他人牽車於此載客昨經府尊提訊諸車夫因請將案展限旋各覓人具保二百元保出聞此車夫之黨係有人暗中包庇將延狀師與其理訟云云是亦一罕聞之事也

竊案詳臬 ○福清人鄧富志向在小坡皇后街第九十八號門牌開設手車館生理控告閩人胡亞宙於去月十八早四點半鐘潛入車館中偷去衣箱一具內有衣物銀項計值銀一十四員六角半胡得物欲逃爲鄧所覺急鳴捕將胡拘獲送案查胡在檳城經已犯盜七次在本坡亦已犯盜三次府尊見其怙惡不悛判將此案詳臬署核奪云

府案彙登

○初十日前報聞人蔣遠於去月二十日往烏橋地方購辦牛隻携有銀紙洋銀計共六十六元七角八占懷於身上路經峇釐實智路被叻產閩人劉如金及武吃人亞末二匪偽稱巡差乘機強搶經巡差將劉及亞末拘獲送案前準劉覓担保五百元在外候訊其後劉畏罪逃往他處其項責担保人陪累即將亞末一人判半年監禁○又聞人陳文生向寓舊酒廊地方月初六早被同籍人林德倫去烟槍一具布鞋一雙林乘陳不覺潛迹遁去昨日陳遇林於道遂鳴捕拘獲送案府尊查林曾犯盜一次判監禁二閱月○又昨報何養冰向在武吃智馬路菓園中稅池塘一口畜養草魚為業被人用毒藤放在池中毒魚使醉旋將何所養魚偷捕交與新巴虱內潮人陳錦合發賣被何探試控陳於案府尊判此案展至十七日再訊○又副總巡捕官月之初九日督帶幹差多名在怡園街第四十九號門牌之屋搜獲賭具數件另該屋有一橫門僅容出入蓋各賭徒所預謀以為鬼窟藏身計也該巡捕排闥直入搜出潮人陳榮勝廖東奇王桂春三人一齊拘獲送案同日府尊提訊畢判陳王各罰銀一百元廖則無干省釋○有某華人因犯案件於初十日送至府堂審訊因尚有他案在前未能訊及因將其暫置於案前候審棚內詎至訊及之際呼其名則已杳然蓋不知何時被其走脫公堂之上亦能逃遁亦可謂奇矣

屍屍三則

○初九日下午廿公谷汝地方有死屍一具漂泊海中載沈載浮忽上忽下適有巡差到此躍身波中撈獲見其面目浮腫已不辨何籍人氏但觀其衣服裝飾知是華人遂將該屍送交西醫院剖驗同日又有巡差在武吉吧梭草埔及甘公內某騎樓下查獲華人死屍各一具細看身中俱未有傷痕似是途中餓殍該差遂將二屍一齊送院剖驗云

京報選錄

○頭品頂戴陝甘總督臣陶模跪 奏為特恭庸劣不職之候補同知直隸州請旨即行革職恭摺仰祈 聖鑒事竊臣查署理階州直隸州知州花翎四品頂戴甘肅候補同知直隸州李鍾辰自到任以來遇事粉飾去歲該州地方被雹貧民乏食稟准賑糧稽遲不發收成以歉報豐詞訟案件聽任官親丁役顛倒是非經該管鞏秦階道趙時熙委員查明咨由藩臬兩司會詳核辦前來臣查李鍾辰因恤民瘼聽斷糊塗實屬溺職太甚除行司撤任外相應請 旨將花翎四品頂戴甘肅候補同知直隸州李鍾辰即行革職並拔去翎枝以為庸劣不職者戒謹恭摺具陳伏乞 皇上聖鑒訓示謹 奏奉 硃批著照所請該部知道欽此○浙江道監察御史奴才李桂跪 奏為玉田縣屬水災甚重請 飭查明速籌急賑以恤窮黎恭摺仰祈 聖鑒事竊查前因淮徐海被水甚重仰荷 皇仁浩蕩力籌賑撫先行借撥二十萬兩發交地方官協同紳士迅速散放天恩廣被體恤災黎至周極澤海曠典也近聞直隸玉田縣屬七月間連雨為災黑龍雙城二河同時漲發丁一堡一帶東界唐山西界黃河約百餘里南北數十里其間村落田園悉成澤國數百萬生靈嗷嗷待哺現在節逾寒露若非及時查辦小民流離凍餓困苦豈可勝言所有玉田縣被水情形應請 旨飭下直隸總督速派委員迅速查明籌辦急賑以蘇民困而安閭閻奴才為慎重民命起見伏乞 皇太后 皇上聖鑒謹 奏奉 旨已錄○張之洞片 再本年八月十六日刻漢口鎮東嶽廟地方民婦李胡氏家因洋燈炸裂失慎延燒民房是夜北風怒號狂猛異常為數月來所未有風助火威其勢甚熾當經該處道府縣同知通判漢陽協副將漢鎮都司督飭各營兵勇彈壓撲救其時漢口各善堂水龍聞警齊集分投施救祇以街巷過窄圍圍依比棟宇相連既少屏蔽風火高牆兼有席棚板屋狂飈怒卷火勢猛烈水龍奮力向前激救被燬打壞飛火燬損者數架徹夜風浪洶湧輪船亦不能來往臣派員帶領水龍令其過江藉同撲救竟不能渡至次日已刻始行撲滅事後詳查延燒五千一百七十三戶其間房屋有濱臨漢口從湖者火燄圍逼無可逃避以致燒斃溺斃人口現經查出有三百餘名實係風狂火烈人力難施並非漢救不力查無匪徒放火槍奪情事據署漢陽縣知縣李觀濤稟報前來查此次被災各戶小貧貧民實有四千三百餘戶困苦情形實堪憫惻經臣飭藩司在於本省賑捐款內酌撥銀一萬兩撫恤派委委員會同漢陽縣逐戶挨查核實散放並飭漢陽縣勸諭該鎮紳商量力捐助散放現在體察被災民戶情形尚屬安謐所有漢鎮失火延燒民房撥款撫恤緣由謹附片具陳伏乞 聖鑒謹 奏奉 硃批漢口鎮粹被災火災情形甚重實堪憫惻該督當嚴飭印委各員認真撫恤毋任失所欽此

催收捐款公啟

○公啟者前因廈門米價翔貴貧戶艱於粒食諸同人心焉傷之倡設平糶之舉幸諸君子饒溺為懷不分畛域用能集腋成裘源源接濟似此仁漿義粟不特受者淪肌浹髓銘篆五中即彼者亦當為之位置錫福降祥永承無極唯是歲聿云暮至望本坡及外埠諸公所有捐款未蒙惠交者請盡此十二月二十九日以前擲交吳德源號彙收以便核結是荷  
大清光緒廿四年十一月十一日

廈門平糶駐叻籌捐董事公啟

井里汶捐助廈門平糶芳名錄

○甲必丹陳景美捐題洋銀一百二十元 珍春號捐題洋銀一百元 李水提捐題洋銀一百元  
葉薦官捐銀一百元 豐春號捐銀一百元 建成棧捐銀一百元 義裕棧捐銀一百元 瑞成號捐銀一百元 吳榮時捐題銀五十元  
鄭神佑捐銀五十元 高朝成捐銀五十元 鄭耀講捐銀五十元 曾振禮捐銀五十元 林鎮官捐銀五十元 吳正禮捐題銀五十元  
黃瓊官捐銀三十元 蘇瓊官捐銀二十元 鄭清祿捐銀一十元 右計十八名共收銀一千二百三十元

廈門平糶駐叻籌捐董事公啟

光緒廿四年十一月十一日

買受店底傢私告白 ○啟者新嘉坡漆木街第三十七號門牌鴻昌號之店底傢私雜物現歸承成堂買受即在該店經營生理而承成堂之生理與鴻昌號生理兩不相干彼此數目亦歸各自料理特此聲明 光緒廿四年十一月初十日 鴻昌號 承成堂同啟

定期集議錢鋪事宜公啟 ○公啟者前因 叻憲禁用實勝越有孔鑄之事經於西一千八百九十七年屋多末月一號出示申明其奈小民無知多有誤犯因而置諸罰典者不乏其人僕等深憫無知罹於法網因擬集眾籌善法懇請 國家辦理務期不礙 國典而利便商民用特合詞佈告週知特借同濟醫院以為公議之所 諸君有志維持者請於本月十四日下午二點鐘時齊集同濟醫院聽其偉論俾聆大教謹此奉聞 光緒二十四年十一月初八日 國家辦理務期不礙 國典而利便

陳清端 藍金昇 豐源號 振裕號 曾兆南 劉金榜 陳子因 湯廣生 福興隆 吉祥泰 以 義 黃長源 裕昌隆 林威重 蔡三重 邱雁賓 王長順 楊長春 陳德潤 楊隆發 鄭志祿 葉浩然 陳存利 葉季允等同啟

招供學薪告白 ○啟者茲本廠欲用柴薪一物茲特招人承供 諸君有願承斯役者可至本廠面商便得此佈 西一千八百九十八年十二月二十一號 禮釐度吃立付鐵廠謹啟

聲明告白 ○啟者吉冷埠古打鄰街門牌一十五號新恒發合記雜貨生理乃係歐茂利朱廣來兩號於光緒戊戌年五月間合夥開張茲歐茂利志圖別業願將名下股份頂與朱廣來承受經於本年十月廿九日交割清楚如新恒發合記前後與諸親友交易來往貨賬揭借會等項及日後生意盈虧概不干歐茂利之事惟新恒發合記前租出古毛埠舊廣全昌之舖位經有批明字據願歸歐茂利名下所得任從改號開張日後生意與隆不干新恒發合記朱廣來兩號之事特此分別聲明免滋後論 光緒廿四年十一月初八日 歐茂利號謹啟

承股聲明 ○啟者石叻水仙門復南街門牌三十三號歐茂利雜貨生理乃係歐九歐孟歐利三人於光緒丁酉年八月間合夥開創茲因歐利志圖別業願將名下股份頂與合成堂承受其應得之退股銀項經於本年十一月初一日交清分毫無欠日後生意與隆不干歐利之事倘諸親友前與歐利交易來往等項惟同經手是問不干歐茂利之事特此聲明以免後論 光緒二十四年十一月初八日 茂利合成堂全啟

退股聲明 ○啟者石叻水仙門復南街門牌三拾三號茂利什貨生意乃係歐利歐孟歐九三人於光緒廿三年八月間開創茲歐利志圖別業願將其自己名下在歐茂利之股份頂與合成堂承受嗣後歐茂利生意盈虧及揭借會項等不干歐利之事特此聲明 光緒廿四年十一月初四日 歐利謹啟

承頂聲明 ○啟者吉隆埠新恒發合記什貨生理乃係朱廣來歐茂利兩號於光緒戊戌年五月間合夥開張茲歐茂利志圖別業願將其自己名下在新恒發合記所得之股份頂與朱廣來達仁堂承受而歐茂利應得之退股銀項經已當眾交清分毫無欠今將該號改為順祥號仍舊開張日後順祥號生意與隆不干歐茂利之事如諸親友與歐茂利交易來往及賒借會項等情惟同經手是問特此聲明以免後論 光緒廿四年十一月初四日 順祥號謹啟

草聖將行 ○朝鮮尹溪石先生遊泗回坡仍舊寓單邊街新巨泰三樓即擬返滯叻地諸友勸留十天嗣因別有求書者踵至故又開筆十一月十一日准定動身矣特此佈告 光緒廿四年拾月二十八日 謹啟

貴重屋地出投 ○啟者茲定於西利心末月二十八號即華本月十六日禮拜三下午二點半鐘在本館內拍賣貴重屋地十五區坐落怒米芝律第六十四號至六十九號門牌共大有二萬二千二百一十六丁方英尺乃九百九十九年之期每月收租稅一百四十二元其第六拾六號門牌之屋甚為寬闊現實與人製造黃梨以上諸地作一起拍賣 諸君有合意購置者祈屆期 玉臨所有拍賣詳細章程應照西字所列而行謹此佈告 光緒廿四年十一月初三日 吧越館主謹啟

敬頌良醫 ○啟者余於去月之晦忽染傷寒重病延綿旬日治而弗愈壞病將成至本月十二日幸遇牛車水大馬路福安堂內劉明之先生荷蒙診視乃圭敷奏即獲霍然僅及一旬遂即平復可知先生之術精妙入神非平日之庸識兼優亦何能奏効如此其神且速耶余受再造之恩無從圖報爰述數言附諸報牘庶藉以畧傳先生之名俾患病者得以往為求治耳 光緒廿四年十一月初一日 吳九謹頌

丹青潤格 ○吾友陳湘庭別號緞鄉館主精繪事花卉翎毛山水人物神虫走獸仕女等技罔不畢曉其落筆有一種出神入化之機與時手不相類濁畫家中上乘品也足跡所至求者踵相接大有如遊山陰道上應接不暇之勢爰立潤格 閱者諒之現設甲橋頭年盛號內  
 ○金榜中堂 大號每銀十二元 二號每銀一十元 三號每銀八元 ○宣紙中堂 大號每銀四元 二號每銀三元 三號每銀二元  
 掛屏照上加倍 琴操銀八毫 鏡底尺五每銀五毫二尺加半 冊頁每銀三毫 帳眉每銀一元 團扇每銀八毫 摺扇每銀五毫  
 如畫山水人物照上加半 美人加倍雙鈞同 光緒二十四年十一月初一日 皖南洪惠余代訂

聲明告白 ○啟者敝號陳源成自先父創設小坡梧槽巴虱嗣又遷至大坡吊橋頭經營暹羅安南郊頭及本坡生理歷年無異惟因叻中源成字號甚多混淆相雜誠恐 各寶號與敝號交易者或有所誤爰特佈告聲明此後敝號有與 各寶號交易往來以及滙兌等事必須認明敝號圖章兼有愚兄弟名號南松或南俊簽押方足為憑否則有誤與敝號無涉特先聲明免滋後論  
 大清光緒廿四年拾月廿五日 源成號謹啟

勸辦粵漢鐵路招商分局啟 ○啟者本分局現蒙 粵漢鐵路總辦張 委在南洋創設分局開辦招股事宜奉此竊維鐵路一事乃當今最要之務利權之大識時務者無不知之茲蒙委辦前因除往各埠開局勸辦外用特廣行佈告 諸君有志趣遠大欲討股份者可至單邊街文行堂本分局內面商所有一切詳細章程經已另刊清摺以便 諸君取閱此乃難得之遭逢無窮之美利有志者幸無辜此機緣也特此佈告  
 大清光緒廿四年九月二十九日 大英一千八百九十八年十一月十二號 勸辦粵漢鐵路分局委員吳丕球謹啟

屋地出投 ○啟者茲定於西一千八百九十八年利心末月廿八號即華本月十六日禮拜三下午二點鐘在本館內拍賣屋地一區坐落疊實得力第廿六號門牌大有三千八百八十八方英尺乃九百九十九年之期每年繳納地稅銀三元諸君合意祈屆期玉臨投買特此佈聞  
 英一千八百九十八年拾二月拾六號 巴越館主謹啟

永年人壽保險公司告白

啟者本公司備足本銀五十萬兩專為中西官商投保壽之險總局設在上海五馬路廣東街第十三號門牌英商華由為總理而余則經理外埠者也此次承命到叻招徠生意復託山仰棧為代理蓋本公司章程極為美備所收保費務從其廉所付賠款務從其速所酬花紅務從其厚為東方各公司所未有故能名馳中外人樂投保試觀上海中外日報有附刊告白讚美本公司賠款之迅速如太古火險公司之夥伴胡開甫於十月初一晚急病身故次晨報明本公司即將所保銀兩如數給足其妻陳氏與子胡立廷感激涕零登報讚頌余謂付款迅速固本公司分內之事所願投保諸君承享遐齡福壽無極不勝禱祝之至至本公司另有詳細章程刊為一冊倘蒙 惠顧請到山仰棧或東陵島節律 A 字第三號門牌敝寓取閱便知一切矣此佈  
 光緒二十四年十一月初二日 大英一千八百九十八年十二月十四號 永年人壽保險公司經理人山穆森謹啟

時雨軒藥酒發售

蓋聞藥酒之功用甚宏何以市井懸壺屢試罔驗此非藥酒之不效殆亦所以製此藥酒者之未得其宜也惟本軒所製各項藥酒詳究醫理細訂良方復選地道藥材購醇醪而醱釀故其奏功甚速迥與別家不同即如追風去濕藥酒舉凡一切風濕等症服之皆效大樽價銀五角小樽價銀三角及滋補百歲藥酒性非寒燥固本扶元服之固可延年益壽每樽價銀四角及參茸三鞭藥酒如腎虧遺精體倦神疲服之並可壯陽而種子每樽價銀八角又軍中跌打藥酒如跌打刀傷積瘀暴腫服之併可舒筋絡而止痛大樽價銀一元小樽價銀五角及婦人經期肚痛藥酒如經期不調肚痛白帶服之亦可調經而銷痰每樽價銀四角 以上各項藥酒皆本軒精心監製屢試屢驗方敢出而問世所望 諸君沽而試飲方知余言不謬并希認明招牌古鼎為記庶不致誤惟本軒所擬各價係以平日所沽而論至逢每月初二十六日照價九折以廣招徠 一本軒係在新嘉坡牛車水大馬路園街口開張 一在新嘉坡小坡直街廣茂生號寄售 一在芙蓉埠廣生號寄售 一在吉隆坡恒棧號寄售  
 大清光緒廿四年六月廿九日 時雨軒主人謹啟


豐源號

本號輪船往來各埠船期開列如左 在各埠往實叻日期  
 由麻六甲往芙蓉每逢禮拜二六日中午十一點鐘開行  
 由各埠回實叻之日  
 由麻六甲回芙蓉每逢禮拜二五日上午十點鐘開行  
 各輪船在叻往麻六甲吉隆坡實蘭午 等禮拜五日三點鐘開行特此佈  
 在實叻往麻六甲每逢禮拜一五日下午四點鐘開行  
 由芙蓉往吉隆坡每逢禮拜二六日下午六點鐘開行  
 由吉隆坡回芙蓉每逢禮拜二四日下午四點鐘開行  
 由麻六甲回實叻每逢禮拜二五日下午四點鐘開行  
 豐源號謹啟



售發廚鐵名馳

嘗思營生之道所最要者則惟數簿其次則惟銀兩然必須有以善藏始無意外此本行鐵廚所以為 諸翁之所共賞也啟者本行所賣之鐵廚久已馳名於東方一帶而於叻坡則聲名尤著至本行購賣此等鐵廚已有三十年之久其製甚為堅固保能避火且其鑰匙甚妙斷非盜賊等所能開計其廚全身均用鑄製成並無雜以木料且諸廚自前至今均為一式堅固並用



有優劣之分至於各廚大小不一而價值則約一百元至四百元凡用之者可保其不礙焚燒即火災亦無所損本行之鐵廚實為叻坡諸華商



諸君有惠顧者祈即玉

所喜購而本行每年所沽亦殊不鮮茲特為之錄佈倘臨選購為盼 大英一千八百九十八年正月一號 大清光緒二十三年十二月十八日

明嗎也洋行謹啟

售出品三

啟者本行督辦歐洲馳名三品洋酒來叻發售其酒係白頭款式發售有年沽飲 諸君莫不稱其香美奈近有無恥之徒假冒本庄三品酒款式以圖魚目混珠情殊可恨嗣後 諸君購買本行白頭三品酒者請細認本號招牌之內



有小紙包頭註明華字新嘉坡明嗎也公司者始真若無此字樣即屬假冒請為細認特此佈告 大英一千八百九十八年正月一號 明嗎也洋行謹啟

賣發酒蜜鳥




啟者本行向由英國督辦各種美酒來叻發售久已遐邇馳名茲復由英新辦到顯爾士斗雲字號之狗頭票鳥蜜酒到叻應沽此酒香美異常不惟飲之可口且能保養精神調和血氣常飲令人不生疾病誠酒國中上品也 諸君光顧應細看以上所列之狗頭標庶不致誤且價甚相宜倘 諸君有欲酌飲者請至本行取用可也此佈 英一千八百九十八年正月一號 光緒廿三年十二月十八日 明嗎也洋行謹啟

法國頂上蜂窠標萬蘭池酒發客



啟者茲本公司親由法國督辦頂上好萬蘭池酒來叻發售其酒清香濃郁醇厚異常飲之誠可令人長血氣壯筋骨悅顏色妙美無窮今市上所有萬蘭池酒無有能出其右者誠佐饌中妙品也至此酒惟本公司一家沽出餘無別家出售 諸君光顧請細認蜂窠標頭為記並細辨香味方不致誤價甚相宜倘有劉伶之癖者祈早至 惠臨購買是幸 英一千八百九十八年正月一號 大清光緒廿三年十二月十八日 明嗎也洋行謹啟

賣出酒密



啟者茲本行由歐洲辦到上等蜜酒來叻發售其酒甚佳茲將標頭印出 諸君光顧為細認免致有誤近聞有無恥之徒假冒本行鎖匙標飲希圖魚目混珠最堪痛恨今本行再行核定於酒樽木枳內加鐵烙鎖匙形以示分別倘 諸君有知何人假冒請到本行報明即謝花紅銀二百大元經官訊定即能給發斷不食言再此酒不能販往 加勝巴 三寶瓏 泗里末 望加錫 檳榔嶼 日裡等處其他埠均能運往並此佈聞 大英一千八百九十八年正月一號 光緒廿三年十二月十八日 明嗎也洋行謹啟

